



# ИЧКИ ВАЛЮТА БОЗОРИДА

ЭТИКА КОДЕКСИ

2022 йил

## **МУНДАРИЖА**

<b>КИРИШ .....</b>	<b>2</b>
<b>ГЛОССАРИЙ .....</b>	<b>2</b>
<b>I. ПРОФЕССИОНАЛИЗМ.....</b>	<b>3</b>
<b>II. КОНФИДЕНЦИАЛ МАЪЛУМОТЛАР.....</b>	<b>4</b>
<b>III. МАНФААТЛАР ТҮҚНАШУВИ.....</b>	<b>6</b>
<b>IV. БОЗОР МАНИПУЛЯЦИЯСИ .....</b>	<b>8</b>
<b>V. АХБОРОТ АЛМАШИШ ВА КОММУНИКАЦИЯ.....</b>	<b>9</b>
<b>VI. МИЖОЗЛАР БИЛАН МУНОСАБАТЛАР .....</b>	<b>11</b>
<b>VII. ҲИСОБ-КИТОБЛАР, БАҲСЛИ ВАЗИЯТЛАРНИ ҲАЛ ҚИЛИШ, ЖИНОЙ ДАРОМАДЛАРНИ ЛЕГАЛЛАШТИРИШ ВА ТЕРРОРИЗМНИ МОЛИЯЛАШТИРИШГА ҚАРШИ ЧОРАЛАР .....</b>	<b>11</b>
<b>VIII. ЯКУНЛОВЧИ ҚОИДАЛАР.....</b>	<b>13</b>

# **ИЧКИ ВАЛЮТА БОЗОРИДА ЭТИКА КОДЕКСИ**

## **КИРИШ**

Ички валюта бозори Этика кодекси (бундан буён матнда Кодекс деб юритилади) ички валюта бозори иштирокчиларига нисбатан амал қиласы.

Кодекс ички валюта бозори иштирокчиларининг хулқ-автори, уларнинг барқарор фаолият кўрсатишига асос бўлиб, барча манфаатдор томонларнинг қонуний ҳуқуқ ва манфаатларини ҳисобга олган ҳолда ҳалол ва холис фаолият юритишлари учун шаклланган умумахлоқ нормалари жамланмаси ҳисобланади.

Ички валюта бозорининг барча иштирокчилари Кодекс қоидаларига риоя қилиш юқори ахлоқий (этик) стандартларга асосланган бозор фаолияти учун муҳим эканлигини билишлари зарур.

Мазкур Кодекс асосида ички валюта бозорининг ҳар бир иштирокчиси ўз фаолиятининг хусусияти ва кўламини ҳисобга олган ҳолда ички этика кодексини ишлаб чиқиши лозим.

Кодекс Халқаро ҳисоб-китоблар банки (Bank for International Settlements) томонидан қабул қилинган “Валюта бозорининг глобал кодекси” ҳамда Халқаро валюта жамғармаси тавсиялари асосида ишлаб чиқилди.

Ушбу Кодекс норматив-хуқуқий ҳужжат ҳисобланмасдан, қонунчилик ҳужжатларида тўғридан-тўғри тартибга солинмаган масалалар бўйича тавсиявий характерга эга.

## **ГЛОССАРИЙ**

Мазкур Кодексда қўйидаги асосий тушунчалардан фойдаланилади:

**Ички валюта бозори** – валюта биржасида, Ўзбекистон Республикаси банклари ўртасида ҳамда бевосита тижорат банкларида мижозлар билан амалга ошириладиган чет эл валютасини ҳамда валютавий ҳосилавий (дериватив) инструментларни сотиб олиш ва сотиш;

**Бозор иштирокчилари** – ички валюта бозорида олди-сотди операцияларини амалга оширувчи тижорат банклари ва бошқа қонунчиликда назарда тутилган иштирокчилар;

**Устама нарх** – мижозга хизмат кўрсатиш жараёнида амалга оширилган харажатлар ва мавжуд хатарларни инобатга олган ҳолда хизмат кўрсатувчининг ўқотишлари ўрнини қоплаш мақсадида битимнинг якуний нархига киритилиши мумкин бўлган маржа ёки воситачилик ҳақи тўлови.

## I. ПРОФЕССИОНАЛИЗМ

Бозор иштирокчилари меҳнат мажбуриятларини профессионал тарзда бажариши учун тегишли тайёргарликдан ўтган ва малакали ходимларга эга бўлиши керак. Бозор иштирокчилари юқори профессионал стандартларга интилишлари лозим.

Юқори профессионал стандартлар қўйидагилар билан таъминланади:

1. Валюта амалиётларига оид ва иш фаолиятига тегишли бўлган амалдаги қонун ва қонуности хужжатларини етарли даражада билиш ва уларга риоя қилиш;
2. Тегишли тажриба, техник билим, малака ва кўнкимларга эга бўлиш ва уларга таянган ҳолда фаолият юритиш;
3. Ташкилотнинг ички тартиб-қоидаларига амал қилишда, тузилган битимларни ижро этишда, хужжатларни юритиш ва ахлоқий хатти-ҳаракатларга риоя қилишда профессионал мулоҳазани қўллаш;
4. Ички валюта бозоридаги операциялар билан боғлиқ хатарларни чеклаш, мониторинг қилиш ва назорат қилиш бўйича амалиётга эга бўлиш.

Бозор иштирокчилари уларнинг касбий нуфузи, ҳалоллиги ёки мустақиллигига салбий таъсир кўрсатадиган фирибгарлик билан боғлиқ бўлган ҳар қандай хатти-ҳаракатларга йўл қўймасликлари керак.

Бозор иштирокчилари ўз фаолиятлари давомида Кодекс талабларига риоя қилишлари, бозорнинг барча иштирокчилари ва мижозлар билан вижданан, адолатли тарзда, шаффофликни таъминлаган ҳолда иш қўришлари зарур.

Шубҳали амалиётлар ва хатти-ҳаракатлардан қочиш, уларга қарши турган ҳолда бирдамлик билан ҳаракат қилишлари, касбий амалиётини асоссиз танқид қилмасликлари ҳамда бозорнинг барча иштирокчиларига нисбатан ҳар қандай қўринишдаги камситиш ҳолатларига, касбий нуфузига путур етказадиган хатти-ҳаракатларга йўл қўймасликлари керак.

Валюта бозори яхлитлигини ва унга бўлган ишончни сақлаб туриш ҳамда валюта бозорида иш юритишни профессионал ва юқори стандартларда олиб бориш мақсадида бозор иштирокчилари томонидан валюта операцияларига доир ички этика кодекси ишлаб чиқилиши лозим.

Бунда, ички этика кодекси ходимлар томонидан риоя қилиниши мажбурий бўлган хужжат бўлиши ҳамда ички валюта бозорига салбий таъсир кўрсатиши мумкин бўлган ҳар қандай ҳаракатларни чеклаш бўйича алоҳида тушунчаларни ўз ичига қамраб олиши лозим.

Ички этика кодексида йўл қўйилиши мумкин бўлган потенциал қоидабузарликлар рўйхати келтириб ўтилиши ҳамда улар билан боғлиқ интизомий жазо чораларини аниқ кўрсатиб ўтилиши лозим.

Мазкур кодекс ва амалдаги қонун ҳужжатлар ўртасида номутаносиблик юзага келганды бозор иштирокчилари қатъийроқ талаб мавжуд бўлган ҳужжатларга риоя қилишлари керак.

Бозор иштирокчилари амалдаги қонунчилик ҳужжатлари талабарининг бузилишига олиб келадиган ҳолатларни англаганда уларда қатнашмасликлари ва ёрдам бермасликлари лозим.

Бозор иштирокчилари томонидан қонунчилик ҳужжатларидағи ўзгаришлар тўғрисида ходимларни муентазам равишда хабардор қилиш тизими ишлаб чиқилиши лозим.

Бунда, ташкилотнинг “комплаенс” ёки юридик бўлинмалари қонунчиликдаги ўзгаришлар билан ходимларни муентазам равишда танишириб боришлари мақсадга мувофиқ. Ички ёки ташки ўқув дастурларда қатнашиш професионализмни оширишнинг амалий усули ҳисобланади.

Бозор иштирокчилари валюта бозоридаги савдо фаолияти билан боғлик хатарларни чеклаш, мониторинг қилиш ва назорат қилиш учун амалиётга эга бўлиши керак. Валюта операциялари, жумладан, валютавий ҳосилавий (дериватив) инструментлари бўйича кунлик/ойлик чекловлар ўрнатилиши лозим.

Ички валюта бозорида фаолият олиб борувчи масъул ходимлар рискларни аниқлаш ва бошқариш ички тартиб-қоидалари билан таъминланиши ва доимий равишда малака ошириб боришлари лозим ҳамда валюта бозоридаги фаолияти билан боғлик рискларни аниқлаш ва бошқариш юзасидан ҳисботларни тегишли ички бўлинмаларга муентазам равишда тақдим этиб боришлари шарт.

## **II. КОНФИДЕНЦИАЛ МАЪЛУМОТЛАР**

Ички валюта бозорининг яхлитлиги, барқарорлиги ҳамда адолатли муносабатларни таъминлаш учун маълумотларнинг конфиденциаллигини сақлаш мухим аҳамиятга эга.

Бозор иштирокчилари ўз мижозларига хизмат кўрсатиш жараёнида олган конфиденциал маълумотларни сақлаш ва ҳимоя қилиш ҳамда ходимлар томонидан конфиденициал маълумотларни аниқлаш ва улардан фойдаланиш юзасидан кўнилмаларни шакллантириш учун жавобгардирлар.

Бозор иштирокчилари мижозларининг конфиденциал маълумотларини тўғри ҳимоя қилишлари ва собиқ, амалдаги ёки потенциал мижозларининг якунланган ёки эҳтимолий валюта савдолари тўғрисидаги маълумотларни учинчи шахсга ошкор қиласликлари керак.

Бозор иштирокчилари конфиденциал маълумотларни ҳимоя қилиш ва улардан фойдаланиш имкониятини чеклашлари талаб қилинади.

Мижозларнинг буюртмалари ва улар билан тузилган валюта битимлари тўғрисидаги конфиденциал маълумотлар кенг оммага очиқ бўлмаган қуидаги маълумотларни ўз ичига олади:

1. Хизмат кўрсатиш орқали мижоз тўғрисида олинган барча маълумотлар;
2. Бозор иштирокчиларининг буюртмалари ҳамда битимлари тўғрисидаги маълумотлар;
3. Банклараро валюта савдолари тўғрисидаги маълумотлар;
4. Банклараро валютавий ҳосилавий (дериватив) инструментлар бўйича амалга оширилган битимлар ва бошқа операциялар тўғрисидаги маълумотлар.

Бозор иштирокчилари конфиденциал маълумотларни фақат қуидаги ҳолатларда ошкор қилишлари мумкин:

1. Собиқ, амалдаги ёки потенциал мижознинг розилиги билан;
2. Қонунчилик ҳужжатларига мувофиқ, шунингдек, тегишли назорат қилувчи ёки давлат органининг расмий талабига биноан;
3. Марказий банкнинг талабига асосан.

Бозор иштирокчилари конфиденциал маълумотларни ошкор қилишда қонунчилик ҳужжатларида белгиланган чекловларни ҳисобга олишлари керак.

Агар маълумот суистеъмол қилинишига шубҳа бўлса, бозор иштирокчилари конфиденциал маълумотларни ички ёки ташқи учинчи шахсларга ошкор қиласлиги керак.

Бозор иштирокчилари томонидан конфиденциал ва бошқа турдаги маълумотларнинг ошкор қилинмаслиги тўғрисидаги қатъиyroқ стандартлар ўзаро шартномалар орқали белгиланиши мумкин.

Мижозларнинг валюта операциялари бўйича конфиденциал маълумотлари фақат олдиндан белгиланган мақсадларни амалга ошириш учун ишлатилиши мумкин.

Масъул ходимлар томонидан шахсий манфаатлар учун конфиденциал материаллардан фойдаланишга йўл қўйилмайди.

Бозор иштирокчилари конфиденциал маълумотлардан (қасддан ёки бепарволик билан) фойдаланиш орқали манфаат кўрмасликлари ёки фойда олишга интилмасликлари, шунингдек, ташкилотнинг ёки бошқа мижозларнинг манфаати учун бундай маълумотларни ошкор қиласликлари керак.

Бозор иштирокчилари конфиденциал маълумотларга асосланган савдодан воз кечишли керак, шу билан бирга, уларнинг масъул ходимлари ҳар қандай ҳолатда ҳам ўз ташкилотларидан ташқарида, ҳатто иш жойларини

ўзгартирганларидан кейин ҳам бундай маълумотларни ошкор қилмасликлари керак.

Бозор иштирокчилари конфиденциал маълумотлардан ички валюта бозоридаги операцияларда ва ташкилотнинг бошқа соҳаларида ўринли фойдаланишни таъминлаш учун қатъий сиёсат ва назоратга эга бўлиши керак.

Бозор иштирокчилари томонидан кофиденциал маълумотларни ҳимоя қилиш тизимини самарали ташкил этиш мақсадида:

1. Ҳар бир ходимнинг, эгаллаб турган лавозимидан қатъий назар, у ишлайтган ҳар қандай маълумотларга масъулиятли ва эҳтиёткорлик билан муносабатда бўлишини таъминлаш;

2. Конфиденциал маълумотни муҳофаза қилиш муҳимлиги масалаларида ходимларнинг касбий малака даражасини мунтазам ошириб бориш;

3. Конфиденциал маълумотлардан рухсатсиз фойдаланиш имкониятини чеклаш тизимида камчиликларни аниқлаб бориш ва тизимни доимий такомиллаштириш бўйича зарурий чораларни кўриш;

4. Конфиденциал маълумотларни рухсатсиз фойдаланишдан ҳимоя қилиш учун етарли ва замонавий техник инфратузилмани яратиш;

5. Ҳар қандай таҳдидларга ёки конфиденциал маълумотларнинг сизиб чиқишини ҳимоя қилиш тизимларини доимий равища тақомиллаштириб бориш лозим.

### **III. МАНФААТЛАР ТЎҚНАШУВИ**

**Манфаатлар тўқнашуви** – ички валюта бозори иштирокчиларининг хизмат мажбуриятларини объектив ва холисона бажаришига таъсири кўрсатадиган ёки таъсири кўрсатиши мумкин бўлган бевосита ёки билвосита шахсий манфаатдорлиги мавжуд бўлган ҳолатларда юзага келади.

Ички валюта бозори иштирокчилари томонидан мижозлар ёки бошқа бозор иштирокчилари билан адолатли муносабатлар ўрнатиши мақсадида профессионал иш юритишига тўсқинлик қилиши мумкин бўлган манфаатлар тўқнашуви ҳолатларини аниқлаш ва тўлиқ бартараф этилиши лозим. Агар манфаатлар тўқнашувини тўлиқ бартараф этиш имконияти бўлмаса, уларни асосли равища бошқариш зарур.

Валюта олди-сотди операцияларини амалга оширишга масъул бўлган ходимлар профессионал иш юритишига тўсқинлик қиласидаган манфаатлар тўқнашувининг юзага келиши эҳтимолини ҳисобга олишлари ҳамда ташкилотнинг манфаатлар тўқнашуви бўйича ички тартибига қатъий риоя қилишлари лозим.

Манфаатлар тўқнашуви юз бериши мумкин бўлган ҳолатлар:

1. Мижозларга кўрсатиладиган хизматлар ёки мижоз номидан амалга оширилган операцияларда шахсий манфаатдорликнинг мавжуд бўлиши;

2. Молиявий ёки бошқа турдаги рағбатларга эришиш мақсадида маълум бир мижоз манфаатидан бошқа бир мижоз ёки мижозлар гурухи манфаатини устун қўйиш;

3. Мижозга кўрсатилган хизматлар учун мижоздан ташқари бошқа шахсдан ҳадялар, пул маблағлари, товар ёки хизматлар кўринишида рағбатлар олиш;

4. Валюта операцияларини амалга оширишга масъул ходимларнинг мижозлар ва бошқа бозор иштирокчилари билан шахсий муносабатлари;

5. Шахсий доирадаги тижорий фаолият;

6. Конфиденциал маълумотлардан бозор иштирокчиларининг манфаати йўлида фойдаланиши.

Бозор иштирокчилари манфаатлар тўқнашувига олиб келадиган вазиятларни бартараф этишлари ёки уларни бошқариш бўйича зарурий чора-тадбирларни жорий қилишлари лозим. Мазкур чора-тадбирлар қўйидагиларни ўз ичига олиши мумкин:

1. Тузилмада мажбуриятлар ва/ёки тузилмавий бўйсуниш даражасини чегаралаш;

2. Маълумот алмашинуvida маълум тўсиқларнинг жорий қилиниши;

3. Валюта олди-сотди операцияларини амалга оширишга масъул бўлган шахсда манфаатлар тўқнашуви вужудга келса, унинг мажбуриятларини ўзгартириш;

4. Декларация сиёсати, аниқланган манфаатлар тўқнашуви ҳамда шахсий муносабатлар бўйича, шу жумладан, қабул қилинган ҳадялар тўғрисида ҳисботлар юритиш сиёсатини татбиқ этиш;

5. Шахсий тижорат фаолияти устидан назорат ўрнатиш сиёсати ва механизмларини жорий қилиш;

6. Манфаатлар тўқнашувига олиб келиши мумкин бўлган битимларни рад этиш;

7. Шубҳали ёки манфаатлар тўқнашуви ҳолатларини келтириб чиқариши мумкин бўлган шахслараро муносабатларни қиласлик;

8. Коррупцияга қарши курашиш ва ҳар қандай даражадаги коррупция ҳолатлари тўғрисида маълумот бериш.

Манфаатлар тўқнашувини бошқариш принциплари:

1. Жорий ва потенциал манфаатлар тўқнашуви ҳолатлари тўғрисида бевосита ташкилот раҳбарини ўз вақтида, асосли ва тўлиқ хабардор қилиш мажбурияти;

2. Низоларни ҳал қилишда иштирокчилар манфаатлари мувозанатига, шунингдек холислик ва мустақилликка риоя қилиш;

3. Манфаатлар тўқнашувини бошқаришда Ўзбекистон Республикаси қонунчилиги ва ички валюта бозори норматив-хукукий хужжатлари талабларига риоя қилиш.

Шунингдек, декларация сиёсати ходимларнинг совғалар ёки бошқа шунга ўхшаш ҳадялар бериш (бермаслик) ёки қабул қилишда (қилмаслик) ташкилотнинг этика кодексига риоя қилишларини таъминлайди. Татбиқ этилиши лозим бўлган декларация сиёсати ўз ичига қабул қилиниши мумкин бўлган ҳадяларнинг қиймат чегараси ва турларини қамраб олиши мақсадга мувофиқ ҳисобланади.

Декларация сиёсати ходимлардан потенциал ва мавжуд сотувчилар, етказиб берувчилар ва мижозларга нисбатан энг юқори ахлоқий меъёрларни ва хулқ-авторни намойиш этишни талаб қиласди. Бу ходимларга тенг муносабатда бўлиш, холис професионаллик ва камситмаслик амалиётларини қўллашни таъминлайди.

Декларация сиёсати қўйидагиларга тегишли:

- мавжуд ҳамда потенциал барча сотувчилар ва етказиб берувчилар;
- мавжуд ҳамда потенциал мижозлар;
- ходимлар ва потенциал ходимлар;
- ташкилотнинг мустақил пудратчилари ва агентлари;
- улар билан алоқада бўлган ҳар қандай шахс ёки ташкилот.

Маълум бир низодан асосли равища халос бўлишнинг ёки уни бошқаришнинг имкони бўлмаса, валюта бозори иштирокчилари алоқадор томонларни мавжуд манфаатлар тўқнашви ҳолати тўғрисида хабардор қилишлари лозим.

#### **IV. БОЗОР МАНИПУЛЯЦИЯСИ**

Бозор иштирокчилари бозорнинг бошқа иштирокчиларини чалғитиши ва бозор фаолиятини барқарор ишлашига тўсқинлик қилиш мақсадида чалғитувчи нархларда буюртмаларни киритмаслиги ёки талаб, таклиф ва савдолар ҳажмини сунъий равища оширмаслиги керак.

Бозор манипуляцияси қўйидаги ҳаракатларни ўз ичига олади:

1. Нархларни сунъий равища ўзгартириш ва белгилаш, шунингдек, харид ва сотув ҳажмларини ошириб кўрсатиш мақсадида бозор иштирокчиларининг олдиндан келишилган ҳаракатлари;

2. Валютани харид қилиш (сотиш) буюртмаларини битим имзоланишидан олдин бекор қилиб юбориш ниятида таклиф қилиш (“spoofing”, “flashing” ёки “layering”);

3. Нархларни ва савдо ҳажмларини сунъий ошириш орқали бозордаги фаолликни яратиш (“wash trades”) мақсадида сохта битимлар тузиш;

4. Нархларни кўтариш ёки тушириш мақсадида ишончли бўлмаган ва ёлғон маълумотларни тарқатиш;

5. Бозор ликвидлиги, савдо ҳажмлари ва нархлари тўғрисида нотўғри таассурот шакллантириш мақсадида бошқа турли усул ва стратегиялардан фойдаланиш.

**Спуфинг (“spoofing”)** - манипуляция қилишни ўз олдига мақсад қилган бозор иштирокчиси томонидан валютани харид қилиш ва сотиш бўйича кўп сонли буюртмаларни битимлар тузилиши ва уларни қаноатлантирилишидан олдин бекор қилиш ҳолати. Ушбу ҳаракатларни амалга оширишдан мақсад валютага бўлган талаб ва таклиф тўғрисида маълумот тўплаш, бозор иштирокчиларининг эътиборини жалб қилиш ҳамда уларда бозор ҳолати ёки валютанинг нархи ва унинг ҳаракати тўғрисида сунъий равишда таассурот яратиш билан ифодаланади.

**Флешинг (“flashing”)** - хақиқий бозор нархлари хақида нотўғри таассурот қолдириш учун битимлар имзоланишини кўзда тутмаган ҳолда савдода буюртмалар ва уларнинг нархларини қисқа вақт давомида ушлаб туриш, сўнгра уларни бекор қилиб юбориш.

**Лееринг (“layering”)** - бозор иштирокчиси томонидан валютани харид қилиш ва/ёки сотиш бўйича турли хил курсларда кўплаб буюртмаларни улар қаноатлантирилишидан олдин босқичма-босқич бекор қилиш ниятида жойлаштириш ҳолати.

**Савдоларни ювиш (“wash trades”)** – бозор иштирокчиси томонидан ўзи киритган буюртмани қаноатлантирувчи қарама-қарши буюртма киритиш орқали битим имзоланганилиги тўғрисида савдо иштирокчиларида таассурот қолдиришга уриниш. Бунда, ушбу савдо иштирокчисининг активларида ҳеч қандай ўзгариш содир бўлмайди.

## V. АХБОРОТ АЛМАШИШ ВА КОММУНИКАЦИЯ

Бозор иштирокчилари ўртасида маълумотлар шаффофлиги таъминланиши, ахборот алмашинувида профессионал ёндашилиши ҳамда нотўғри маълумотлар тарқатилмаслиги лозим.

Маълумотлар қабул қилиб оловчи томонга тушунарли бўлиши учун оддий бўлиши ҳамда иштирокчилар тегишли аудиторияга мос терминологиядан фойдаланиши ва кўп маъноли сўзлардан фойдаланишни чеклашлари лозим.

Маълумотлар тўлиқлиги ва аниқлигини таъминлаш учун иштирокчилардан:

1. Ёлғон ахборотни тарқатмаслиги;

2. Нархларнинг ўзгаришига таъсир қилиши мумкин бўлган тасдиқланмаган маълумотлардан огоҳ бўлиши;

3. Тасдиқланмаган маълумотларни аниқлаштириб олиши ҳамда бозорга таъсир қилиш ёки бошқа иштирокчиларни чалғитиши мақсадида турли хил ёлғон маълумотларни тарқатмасликлари талаб этилади.

Бозор иштирокчилари ахборот алмашиш жараёнидаги маълумотларнинг ўзлари хизмат кўрсатадиган ташкилотга ва бозор ҳолатига таъсир кўрсатишини англашлари лозим.

Коммуникация жараёнида мижозлар тўғрисидаги шахсий маълумотлар ёки тижорий фаолияти ҳамда мижозларнинг савдо позициялари тўғрисидаги маълумотларни ошкор қилиш таъқиқланади.

Бозор иштирокчилари орасида маълумотларни кузатиб бориш, текшириш ва сақлаш имконини берувчи коммуникациянинг тасдиқланган методлари орқали алоқа қилишлари, бошқа шахсларнинг ушбу маълумотлардан фойдаланиш ҳукуқини чеклашилари ҳамда ахборот хавфсизлиги стандартлари маълумотларни узатиш усулидан қатъий назар қўлланилиши лозим.

Бозор иштирокчиларида тасдиқланган ахборот алмашиш усулларининг рўйхати бўлиши ҳамда савдо фаолияти ҳақидаги маълумот алмашишда савдо бўлимлари ва трейдерларнинг коммуникациялари ёзиб борилиши керак.

Бозор иштирокчилари баъзи истисно ҳолатларда маълумотлар узатишнинг ёзиб олинмайдиган каналларидан фойдаланиш имкониятларини кўриб чиқишлири мумкин (*масалан, фавқулодда ҳолатларда ёки фаолиятнинг узлуксизлигини таъминлаши мақсадида*).

Бунда, рухсат этилган ҳар қандай ёзиб олинмайдиган каналлар ёки қурилмалар тўғрисида ходимларга йўл-йўриқ бериш мақсадга мувофиқ бўлади.

Бозор иштирокчиларига нисбатан қуидаги талаблар қўлланилиши лозим:

1. Ўз вазифаларини бажариш учун зарур бўлган тажриба, билим, малака ва қўникмаларга эга бўлиш;

2. Тажриба, билим, малака ва қўникмаларни тегишли даражада такомиллаштириб бориш, ўз ходимларини ўқитиш, уларнинг малакаси ва касбий маҳоратини ошириш;

3. Ўз вазифаларини синчковлик, аниқлиқ, асослилик ва мустақиллик билан бажариш;

4. Барча мавжуд ишончли маълумотларга асосланиб, касбий фаолият доирасида қарорлар қабул қилиш;

5. Бошқа молия институтлари, истеъмолчилар ва тартибга солувчи органлар билан муносабатларда аниқ ва тушунарли тилдан фойдаланиш;

6. Мижозларга уларнинг манфаатларини кўзлаб кўрилган ҳаракатлар тўғрисида тўлиқ ва ўз вақтида маълумот бериш;

## **VI. МИЖОЗЛАР БИЛАН МУНОСАБАТЛАР**

Бозор иштирокчилари ўз мижозлари билан муносабатларда ахлоқий меъёр ва профессионалликка амал қилишлари ҳамда адолатли ва объектив бўлишлари шарт.

Бозор иштирокчиларининг валюта савдолари жараёнида мижозлар билан амалга оширилган операциялари учун ўрнатиладиган устама нархлари адолатли ва асосли бўлиши керак.

Банк томонидан устама нарх белгилаш жараёнида мижозларга битимнинг якуний нархига устама нарх қўшилиши, бир хил ёки ўхшаш операциялар учун турли хил мижозларга ҳар хил миқдорда устама олиниши мумкинлиги тушунтирилиши лозим.

Шунингдек, мижозларга устама нархнинг қандай шаклланиши тўғрисида, хусусан, устама нарх шаклланишига таъсир этувчи омиллар (шу жумладан, транзакция билан боғлиқ бўлган муносабатлар ва операцион харажатлар) ҳақида маълумот берилиши керак.

Банк томонидан олинаётган устама нарх мижозлар иш фаолиятининг миқёси, кредит хатарлари ва ўзаро муносабатларнинг бир хил даражада бўлишига қарамасдан мижознинг нарх шаклланиши тўғрисида етарли тажрибага эга эмаслигидан фойдаланиб, бошқа мижозлардан олинаётган устама нархдан юқори бўлмаслиги зарур.

Мижозлар билан бўлган муносабатларда шаффофликни таъминлаш мақсадида бозор иштирокчилари расмий веб-сайти ҳамда ташкилотнинг мижозларга хизмат кўрсатиш бўлим(филиал)ларида кунлик валюта операциялари бўйича устама нарх бўйича маълумот бериб боришлари керак. Бунда, устама нарх валюта курсида акс эттирилган бўлса, устама нарх ҳисобга олинган валюта курси ҳақида маълумот бериб борилиши керак.

Чет эл валютасини сотиш ва сотиб олиш бўйича иккитадан ортиқ курслар мавжуд бўлса, бозор иштирокчиси томонида максимал ва минимал курслар тўғрисида маълумот бериб борилиши мумкин.

## **VII. ҲИСОБ-КИТОБЛАР, БАҲСЛИ ВАЗИЯТЛАРНИ ҲАЛ ҚИЛИШ, ЖИНОЙ ДАРОМАДЛАРНИ ЛЕГАЛЛАШТИРИШ ВА ТЕРРОРИЗМНИ МОЛИЯЛАШТИРИШГА ҚАРШИ ЧОРАЛАР**

Валюта бозори иштирокчилари ички валюта бозорида битимлар бўйича ўз вақтида ва узлуксиз ҳисоб-китобларни амалга ошириш имконини берадиган ишончли, самарали ва шаффоф тизимни жорий қилишлари керак.

Валюта бозори иштирокчиларининг ҳисоб-китобларни амалга оширишда учинчи томон тўловларини жалб қилишлари операцион хатарларнинг сезиларли даражада ошишига олиб келади. Шу билан бирга, иштирокчилар ҳисоб-китоблар учун учинчи томон тўловларидан фойдаланиш мобайнида ноқонуний

даромадларни легаллаштириш ёки фирибагарлик ҳолатларини ҳам ҳисобга олишлари лозим. Шу муносабат билан, валюта олди-сотди операцияларида тўғридан-тўғри тўловларлардан фойдаланиш тавсия этилади.

Валюта бозори иштирокчилари учинчи томон тўловларидан фойдаланиш муносабатларига нисбатан аниқ дастур ишлаб чиқишилари лозим ва тўловларнинг ўтказилишида мазкур дастурга қатъий риоя қилиниши шарт.

Бундай дастур, камида, учинчи томон тўловидан фойдаланишни талаб этадиган вазиятлар ҳақида аниқ тушунчаларни, шу билан бирга, ноқонуний даромадларни легаллаштириш ва терроризмни молиялаштиришга қарши қонун хужжатларга амал қиласлик рискини баҳолашларни ўз ичига олиши лозим.

Учинчи томон тўловларини амалга ошириш механизмлари битимларни амалга оширишнинг бошланишига қадар контрагентлар томонидан келишиб олиниши ва хужжатлар асосида расмийлаштирилиши керак. Агар учинчи томон тўловидан фойдаланиш тўғрисидаги талаб битим амалга ошгандан кейин келиб тушса, худди шу тарзда батафсил таҳлил қилиниши ҳамда тегишли (масалан, комплаенс ва риск назорати) департаментга мурожаат қилишлари ва тегишли рухсатни олишлари керак.

Баҳсли вазиятлар юзага келганда томонларнинг раҳбарияти томонидан муаммо зудлик билан, адолатли равишда ва ўзаро ҳурматни сақлаган ҳолда ҳал қилиниши зарур.

Валюта олди-сотди операциялари бўйича ҳисоб-китоблардаги тафовутлар зудлик билан аниқланиши ва бартараф этилиши лозим. Бозор иштирокчилари тафовутлар юзага келганда ички назоратни олиб боришлари ва томонларни бу ҳақида хабардор қилишлари керак.

Контрагентлар ўртасида келишмовчиликлар учраган ҳолларда муаммони имкон қадар тезроқ ҳал қилиш учун барча зарур чораларни кўриш керак.

Келишмовчилик битим суммаси, валютаси, сана(лар)и (ёки томонларнинг бирида очиқ позиция) сабабли юзага келган бўлса, томонлардан бири вазиятни тартибга солиш учун ўз вақтида чоралар кўриши зарур (иккинчи томоннинг розилиги билан бўлиши мақсадга мувофиқ). Ушбу ҳаракатлар келишмовчилик натижасида юзага келиши мумкин бўлган эҳтимолий йўқотишларни олдини олишга ёрдам беради.

Келишмовчиликлар пул ўтказмаларини амалга ошираётган пайтда юзага келса, унда ушбу жараёнда иштирок этаётган барча томонлар муаммони ҳал қилиш учун барча сайд-ҳаракатларни амалга оширишлари зарур.

Бозор иштирокчиларида жиноий даромадларни легаллаштириш ёки терроризмни молиялаштириш занжирининг бўғинига айланмаслик учун ўз тартиби ва назорат қилиш воситалари бўлиши керак. Улар, шунингдек, юқоридаги

операциялар амалга оширилаётгани ҳақида хабар топган ёки шубҳаланган масъул ходимнинг раҳбариятга ва тегишли давлат органига зудлик билан хабар беришини таъминлашлари зарур.

Барча бўғин ходимларига бундай фаолиятнинг қонунга зид эканлиги ҳамда ушбу фаолиятга оид операция ўтаётгандиги ёки шубҳали ҳаракат сезилса, жиноятчи бўлиши мумкинлиги тасдиқланмаган ҳолатда ҳам, дарҳол хабар бериш касбий бурчлари эканлиги тўғрисида тушунтириш ишларини олиб бориш керак.

Ходимларни жиноят белгиларини аниқлай билиш ва асосли шубҳали холатларни ифодалай билишга ўргатиш зарур. Шунингдек, ходимлар юқоридаги ҳолатлар юзага келганда кимга мурожаат қилишларини билишлари керак.

Барча бозор иштирокчилари Ўзбекистон Республикасининг “Жиной фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш тўғрисида”ги қонуни талабларига қатъий риоя қилишлари шарт.

## **VIII. ЯКУНЛОВЧИ ҚОИДАЛАР**

Ички валюта бозори иштирокчилари томонидан мазкур Кодекс қабул қилинишида Иловада келтирилган шаклдаги расмий ахборот билан бирга мазкур Кодекс ҳам барча учун очиқ маълумот сифатида ташкилотнинг веб-сайтида эълон қилиниши лозим.

## **ИЧКИ ВАЛЮТА БОЗОРИДА ЭТИКА КОДЕКСИ ТАЛАБЛАРИГА РИОЯ ҚИЛИШ БҮЙИЧА БИЛДИРИШНОМА**

[*Ташкилот номи*] ички валюта бозори Этика кодекси (кейинги ўринларда “Кодекс”) мазмуни билан танишиб чиққанлиги ҳамда ўз фаолияти давомида Кодекс талабларига риоя қилинишини билдиради. Шунингдек, [*Ташкилот номи*] фаолиятининг миқёси ва мураккаблигидан келиб чиқиб, ўз фаолиятини Кодекс талабларига мослаш учун керакли чоралар кўрганлигини маълум қилади.

[Ташкилот номи]

[санаси]